



Staidéar Gnó

Cabhraíonn Staidéar Gnó leat a bheith níos eolasaí agus tú ag déanamh cinntí sa ghnáthshaol. Tugann sé tuiscint níos fearr duit ar shaol na hoibre. Spreagann sé tú chun smaoineamh ar an tslí agus ar an bhfáth go mbunaíonn daoine gnó agus an fáth go bhféadfá féin smaoineamh ar ghnó a bhunú.

Cad a bheidh le foghlaim agam i Staidéar Gnó?

Seo cuid de na rudaí a fhoghlaiméoidh tú:

- scileanna maithe cumarsáide amhail conas litreacha agus tuairiscí a scríobh
- conas eolas airgeadais a bhailiú, eagar a chur air agus é a thaifeadh duit féin, do do mhuintir, do chlubanna a d'fhéadfá a bheith i do bhall iontu agus i ngnóthlachtaí ina mbeidh tú fostaithe, b'fhéidir, sa todhchaí
- do chearta agus do fhreagrachtaí mar thomhaltóir (duine a cheannaíonn nó a úsáideann earraí agus seirbhísí – sin tusa!)
- conas do phá a ríomh nuair a thosaíonn tú ag obair (lena n-áirítear an pá íosta)
- an fáth go bhfuil ár mballraíocht san Aontas Eorpach chomh tábhachtach sin don gheilleagar.

Conas a d'fhéadfainn níos mó a fhoghlaim faoi Staidéar Gnó lasmuigh den scoil?

Seo cuid de na rudaí a d'fhéadfá a dhéanamh:

- an chaoi a chaitear airgead an teaghlach a phlé le baill eile den teaghlach agus cuidiú leo luach níos fearr a fháil ar a gcuid airgid trí shuirbhéanna praghais a dhéanamh le haghaidh bia, fóin póca, árachais, srl.
- éisteacht le tuairiscí nuachta gnó nó roinn gnó a léamh i nuachtán
- a bheith níos feasaí faoin gcaoi a chaitheann tú airgead póca nó pá ó phost páirtaimseartha
- dul isteach i quizeanna gnó/i gcomórtais mhionchomhlachta
- pleanálaí bealaigh a úsáid chun cabhrú le do theaghlach saoire a phleanáil.

Conas a fhoghlaiméoidh mé Staidéar Gnó ar scoil?

Seo cuid de na rudaí a d'fhéadfá a dhéanamh leis an múinteoir agus leis an rang:

- club a bhunú chun taithí a fháil ar bheith i do bhall de chlub
- fógraí a ullmhú le haghaidh imeachtaí éagsúla chun foghlaim mar gheall ar thionscnaimh dhíolacháin
- cleachtadh a fháil ar idirbheartuithe a thaifeadh
- taifid a choimeád d'airgead póca nó de phá ó obair pháirtaimseartha
- foghlaim faoi bhuntáistí an choigiltis
- páirt a ghlacadh i bhfiontar mionchomhlachta mar chuid de ghníomhaíocht seachranga.



Cén sórt scrúdaithe atá ann do Staidéar Gnó sa Teastas Sóisearach?

Beidh scrúdú scríofa amháin le déanamh ag daltaí gnáthleibhéil. Beidh fiche cheist gearra agus cúig cheist fada le freagart.

Beidh dhá scrúdú le déanamh ag daltaí ardleibhéil. I bPáipéar 1, beidh fiche cheist gearra agus ceithre cheist fada le freagairt faoi chúrsaí teaglaigh agus pearsanta. I bPáipéar 2, beidh ceithre cheist fada le freagairt faoi chúrsaí gnó. Is féidir an scrúdú a dhéanamh ag an Ardleibhéil nó ag an nGnáthleibhéil. In am trátha, cabhróidh an múinteoir leat an leibhéil is fearr a oireann duit a roghnú.



An mbeidh na rudaí a fhoghlaiméoidh mé i Staidéar Gnó cosúil leis na rudaí a d'fhoghlaim mé sa bhunscoil?

Cabhróidh an obair a rinne tú sa Bhéarla chun litreacha agus tuairiscí a scríobh. Cabhróidh do scileanna matamaitice leat pá, rátaí malartaithe, ús ar choigiltí agus costas iasachtaí a ríomh. Cabhróidh an t-eolas atá agat ar Éirinn agus ar an Aontas Eorpach ón Tíreolaíocht (OSIE) leat i Staidéar Gnó.

Conas a bheidh a fhios agam go bhfuil ag éirí liom sa rang?

Inseoidh do mhúinteoir duit:

- nuair a éiríonn go maith leat san obair
- an chaoi le feabhas a chur ar do chuid oibre.



An mbeidh aon bhaint ag Staidéar Gnó leis na hábhair eile a dhéanfaidh mé?

Beidh ceangail idir Staidéar Gnó agus an Mhatamaitic, an Tíreolaíocht agus an Eacnamaíocht Bhaile. Beidh scileanna TFC úsáideach duit i Staidéar Gnó freisin.

An mbeidh Staidéar Gnó an-difriúil tar éis an Teastais Shóisearaigh?

Tá trí ábhar san Ardeistiméireacht a leanann ar aghaidh ó Staidéar Gnó an Teastais Shóisearaigh: Cuntasaíocht, Gnó agus Eacnamaíocht. Éiríonn gach ceann díobh níos sonraí agus tugtar deis duitse díriú ar an réimse atá roghnaithe agat. Más mian leat aon cheann de na hábhair seo a roghnú don Ardeistiméireacht, ba bhuntáiste duit Staidéar Gnó an Teastais Shóisearaigh a bheith déanta agat.

Conas a chabhróidh Staidéar Gnó liom?

Cabhróidh Staidéar Gnó leat cinntí ciallmhara a dhéanamh mar gheall ar airgead a choigilt agus a chaitheamh anois agus ar feadh do shaoil. Foghlaiméoidh tú mar gheall ar shaol na hoibre agus gheobhaidh tú bealach isteach i mórchuid gairmeacha, mar shampla: cuntasaíocht, airgeadas, díolacháin, margaíocht, agus bainistíocht. Tugann sé bunús maith duit do na trí ábhar gnó san Ardeistiméireacht.



Gheobhaidh tú eolas faoin gcúrsa Staidéar Gnó anseo www.curriculumonline.ie

Gheobhaidh tú eolas faoi scrúdú an Teastais Shóisearaigh anseo www.examinations.ie

Gheobhaidh tú tuilleadh eolais faoi staidéar gnó anseo www.scoilnet.ie

www.skool.ie

www.consumerconnect.ie

www.consumerassociation.ie

www.itsyourmoney.ie

Tá an bhileog fíricí seo agus bileoga fíricí eile ar fáil le híoslódáil ag www.ncca.ie